

植物名實圖考

小野職慤重修
山草類

植物名實圖考卷之八

清國 吳其濬原撰

日本

伊藤圭介 校閱
小野職慾 重修
岡松薨谷 讀句

山草

淫羊藿 イカリサウ

王孫

苦參 クサ

菅

黃茅 即地筋

白及 シラン

貫衆 ヲニシダ

狗脊 コモチシダ

地榆 ワレモカッ

龍膽草 リンドウ

白茅 チガヤ 附茅彙考

桔梗 キキョウ

白頭翁

黃精 ナルコユリ 附原圖
三種

墓頭回

前胡

杜蘅 フタバアフリヒ

鬼都郵

葦草 チカラシバ

辟虺雷

延胡索 エンゴサク

麥條草 コシキイチゴ

硃砂根

都管

半天回

龍牙草

薺 ソバナ

白前 ロクランサウ

及巳 フタリシツカ

芒 ス、キ

長松

仙茅 キンバイザ、

鬼見愁

白馬鞍

鐵線草

紫背龍牙

露筋草

小兒群

野蘭根

威州根子

催風使

信州紫袍

建水草

赤孫施

獨腳仙

鎖陽

杏葉沙參マルバシヤジン

三七

山慈菰無圖

百藥祖

黃寮郎

半邊山

瓊田草

鷄項草

鳩鳥威

茆質汗

通草コメカミ二圖
即通脫木

細葉沙參ヒメシヤジン

錦地羅

淫羊藿



淫羊藿

淫羊藿、本經中品、救荒本草詳列各名、葉可煨食、柳柳州仙靈脾詩、乃言有靈藥、近在湘西原、服之不盈旬、蹙蹙皆騰竊、又云、神哉輔吾足、幸及兒女奔、蓋此草爲治腰膝之要藥、救荒本草云、密縣山中有之、滇大理府亦產、不止漢中諸郡、邠車而載、

〔長編〕本草經、味辛寒、主陰痿、絕陽、莖中痛、利小便、益氣力、強志、一名剛前、別錄、無毒、堅筋骨、消瘰癧、赤癰、下部有瘡、洗出蟲、丈夫久服、令人無子、生上郡陽山山谷、陶隱居云、服此、使人好爲陰陽、西川北部有淫羊、一日百遍合、蓋食藿所致、故名淫羊藿、

圖經、淫羊藿、俗名仙靈脾、生上郡陽山山谷、今江東、陝西、泰山、漢中、湖湘間、皆有之、葉青似杏葉、上有刺、莖如粟稈、根紫色、有鬚、四月開花、白色、亦有紫色、碎小獨頭子、五月採、葉曬乾、湖湘出者、葉如小豆、枝莖緊細、經冬不凋、根似黃連、

關中俗呼三枝九葉草，苗高一二尺許，根葉俱堪使。

救荒本草，仙靈皮，本草名淫羊藿，一名剛前，俗名黃連祖，千兩金，乾雞筋，放杖草，桑枝草，俗又呼三枝九葉草，今密縣山野中，亦有苗高二尺許，莖似小豆莖，極細緊，葉似杏葉，頗長，近蒂皆有一缺，又似菉豆葉，亦長而光，梢間開花，白色，亦有紫色，作碎小獨頭子，根紫色，有鬚，形類黃連狀，採嫩葉，燂熟，水浸，去邪味，淘淨，油鹽調食。

本草綱目，李時珍曰，生大山中，一根數莖，莖粗如線，高一二尺，一莖三椹，一椹三葉，葉長二三寸，如杏葉，及豆藿，面光背淡，甚薄而細齒，有微刺。



狗脊

狗脊

狗脊

狗脊、本經、中品、一種、根黑色、一種、有金黃毛、似貫衆葉、有齒、昔人、多以拔契爲


〔長編〕本草經、味苦平、主腰背強、關節緩急、周痺、寒濕、膝痛、頗利老人、一名百枝、別錄、甘、微溫、無毒、療失溺不節、男子腳弱腰痛、風邪淋露、少氣、目闇、堅脊、利僂仰、女子傷中、關節重、一名強脊、一名扶蓋、一名扶筋、生常山川谷、二月八月採根暴乾、陶隱居云、今山野處處有、與菝葜相似、而小異、其根葉小肥、其節疏、其莖大、直上、有刺、葉圓有脈、赤色、根凹切鳥交凸徒結切、龍涎、如羊角、細強者是、

圖經狗脊生常山川谷今太行山、淄溫、眉州亦有根黑色長三四寸兩指許大苗尖細碎青色高一尺已來無花其莖葉似貫衆而細其根長而多歧似狗脊骨故名之其肉青綠春秋採根暴乾用今方亦用金毛者

雷斅炮炙論凡使勿用透山藤其大脰根與透山藤一般只是入頂苦不可餌

也、凡修事細剉了、酒拌蒸、從已至申、出曬乾用、本草綱目、李時珍曰、狗脊有二種、一種根黑色、如狗脊骨、一種有金黃毛、如狗形、皆可入藥、其莖細、而葉花兩兩對生、正似大蕨、比貫衆葉有齒、面背皆光、其根大如拇指、有硬黑鬚、吳普陶貞白所說、根苗皆是拔葵、蘇恭蘇頌所說、卽真狗脊也、按張揖廣雅云、拔葵狗脊也、張華博物志云、拔葵與萆薢相亂、一名狗脊、觀此、則昔人以拔葵爲狗脊、相承之誤、久矣、然拔葵、萆薢、狗脊三者、形狀雖殊、而功用亦不甚相遠、

王孫



王孫

王孫、本經、中品、唐本草注、以爲即牡蒙、甘守誠、謂旱藕爲蒙牡、今江西、謂之百節藕、以治虛勞、俚醫、猶有呼爲王孫者、其根類初生藕、白潤而嫩、芽微紅、姜撫所進、狀類葛粉、乾而研之、當無異矣、續博物志、因一名黃昏、遂誤以合歡、爲王孫、游宦紀聞、辨探囊一試黃昏湯、爲去五藏邪氣、其論確核、娜嬛記、孫真人有黃昏散、夫妻反目、服之必和、亦當是合歡、此藥、自唐時、方家久不用、而江西、建昌、廣信、俗方猶用之、陳藏器云、甘平無毒、主長生不飢、其性固非千歲藟比、而長生之說、得非踵姜撫邪說乎、

〔長編〕本草經、王孫、味苦平、主五藏邪氣、寒濕、痺肢疼酸、膝冷痛、

別錄、無毒、主療百病、益氣、吳名白功草、楚名王孫、齊名長孫、一名黃孫、一名黃昏、一名海孫、一名蔓延、生海西川谷、及汝南城郭垣下、陶隱居云、今方家、皆呼名黃昏、又云牡蒙、市人亦少識者、

游宦紀聞、後山贈二蘇公詩末云、如大醫王治膏肓、外證已解中尙彊、探囊一試黃昏湯、一洗十年新學腸、任子淵注云、按圖經本草曰、合歡、夜合也、一名合昏、韋宙獨行方、胸中甲錯、是爲肺癰、黃昏湯治之、取夜合皮掌大一枚、水煮服之、其說最爲牽合無義、沙隨先生云、晚年、因閱本草、王孫味苦平、無毒、主五臟邪氣、吳名白功草、楚名王孫、齊名長孫、一名黃孫、一名黃昏、生海西川谷、蓋指當時癰學、爲五臟邪氣耳、取義精深、如此、

唐本草注、按陳延之小品方、述本草牡蒙、一名王孫、徐之才藥對、有牡蒙、無王孫、此則一物明矣、牡蒙、葉似及已、而大、根長尺餘、皮肉皆紫色、本草拾遺、旱藕、生太行山中、狀如藕、本草綱目、李時珍曰、王孫、葉生顛頂、似紫河車葉、按神農、及吳普本草、紫參、一名牡蒙、陶宏景亦曰、今方家呼紫參爲牡蒙、其王孫、並無牡蒙之名、而陶氏於王孫下乃云、又名牡蒙、且無形狀、唐蘇恭、始以紫參牡蒙爲二物、謂紫參、葉似

羊蹄、王孫、葉似及已，但古方所用牡蒙，皆爲紫參。後人所用牡蒙，乃王孫，非紫參也。不可不辨。唐元宗時，隱民姜撫上言，終南山有旱藕，餌之延年。類葛粉，帝取作湯餅，賜大臣。右驍騎將軍甘守誠曰：旱藕者，牡蒙也。方家久不用，撫易名以神之爾。據此，牡蒙乃王孫也。蓋紫參止治血證，積聚、瘡痢，而王孫主五臟邪氣、痺痛、療百病之文，自可推也。蘇恭引小品方，牡蒙所主之證，乃紫參，非王孫。按王孫根如藕，故江右土醫皆呼爲百節藕，用豬肉煨湯食之，以治虛勞。與別錄主療相近，其葉與三白草頗類。余至廣信，使人持以示賣草藥者，其人曰：此王孫也，殆舊名尙存俗間，而醫者不知也。噫，老農老圃，非吾師也耶。

地榆



地榆

地榆、本經、中品、荒園田廐、多有之、救荒本草、葉可煤食、亦可作茶、李時珍謂、俚人呼爲酸赭、併入別錄酸赭、

〔長編〕本草經、地榆、味苦、微寒、主婦人乳痼痛、七傷、帶下病、止痛、除惡肉、止汗、療金瘡、

別錄、甘酸無毒、主止膿血諸瘻、惡瘡、熱瘡、消酒、除消渴、補絕傷、產後內塞、可作金瘡膏、生桐柏、及冤句山谷、二月八月、採根暴乾、陶隱居云、今近道處處有、葉似榆而長、初生、布地而花、子紫黑色、如鼓、故名玉鼓、一莖長直上、根亦入釀酒、道方燒作灰、能爛石也、乏茗時、用葉作飲、亦好、

圖經、地榆、生桐柏、及冤句山谷、今處處有之、宿根、三月內生苗、初生布地、莖直、高三四尺、對分出葉、葉似榆、少狹細長、作鋸齒狀、青色、七月開花、如樺子、紫黑色、根外黑裡紅、似柳根、二月八月、採暴乾、葉不用、山人乏茗時、採此葉作飲、亦

好、古斷下方、多用之、葛氏載、徐平、療下血二十年者、取地榆、鼠尾草、各二兩、水二升、煮半、頓服、不斷、水漬屋塵、飲一小盃、投之、不過重作、乃愈、小兒疳痢、亦單煮汁、如飴糖、與服、便已、又毒蛇螫人、搗新根、取汁飲、兼以漬瘡、良、崔元亮、海上方、赤白下、骨立者、地榆一斤、水三升、煮取一升半、去滓、再煎、如稠餲、絞濾、空腹服三合、日再、

救荒本草、地榆、今處處有之、密縣山野中、亦有此、多宿根、其苗初生布地、後攢莖、直高三四尺、對分生葉、葉似榆葉、而狹細、頗長、作鋸齒狀、青色、開花如榧子、紫黑色、採嫩葉、煤熟、用水浸、去苦味、換水淘淨、油鹽調食、無茶時、用葉作飲、甚解熱、

齊民要術、神仙服食經云、地榆、一名玉扎、北方難得、故尹公度曰、寧得一斤地榆、不用明月寶珠、其實黑如鼓、北方呼鼓爲扎、嘗言、玉鼓與五茄、煮服之、可神仙、是以、西域真人曰、何以支長生、食石畜金鹽、何以得長壽、食石用玉鼓、此草